



Pou Piblikasyon Imedya: 31/10/2019

GOUVÈNÈ ANDREW M. CUOMO

**GOUVÈNÈ CUOMO ANONSE 60 MILYON DOLA POU 38 PWOJÈ NAN KONTE ST. LAWRENCE AK JEFFERSON POU FÈ VANSE INISYATIV POU REZILYANS AK DEVELOPMAN EKONOMIK LAK ONTARIO A**

*Yo te Chwazi Pwojè REDI Kominote a te Idantifye yo apre Ekspè yo te Fè Evalyasyon ak Revizyon yo*

*Yo te Apwopriye 300 Milyon dola Ototal pou Kominote bò Rivaj yo ki gen ladan 15 Milyon Dola pou Dragaj Rejyonal, 30 Milyon Dola pou Biznis Prive yo ak 20 Milyon Dola pou bay Pwopriyetè Kay yo Asistans*

*Jiska 8 Milyon Dola Pral Disponib pou Mèt Kay Kalifye ki gen Dezyèm Kay yo nan kad 20 Milyon Dola Pakè Asistans Global pou Mèt Kay la*

*Komisyon REDI a pral Òganize Konferans sou Reyalizasyon Pwojè nan Albany nan dat 20 Novanm*

Jodi a, Gouvènè Andrew M. Cuomo te anonse ke eta a ap bay 60 milyon dola pou fè vanse 38 pwojè nan konte St. Lawrence ak Jefferson nan kad Inisyativ pou Rezistans ak Developman Ekonomik (Resiliency and Economic Development Initiative, REDI) Lak Ontario a. Gouvènè Cuomo te lanse REDI an Me pou ogmante rezilyans kominote bò rivaj yo ak ranfòse developman ekonomik nan rejyon an. Anons jodi a make yon etap enpòtan nan efò REDI ap fè a. Pwojè yo ke kominote yo te idantifye epi ekspè ajans eta a yo te evalye, reponn a bezwen rezilyans imeda yo ansanm ak bezwen alontèm yo, y ap amelyore developman ekonomik, pwoteje enfrastrikti esansyèl, enkòpore karakteristik ekolojik, natirèl, oswa ki baze sou lanati, epi yo pral ede rekonstwi ak amelyore kominote olon rivaj Lak Ontario a ak bò Rivyè St Lawrence lan yo nan fason dirab.

Anplis de sa, Gouvènè a te anonse ke Komisyon REDI a pral òganize yon konferans sou reyalizasyon pwojè yo nan Albany nan dat 20 Novanm. Konferans lan pral ofri benefisyè finansman REDI yo enfòmasyon sou reyalizasyon pwojè yo, ki gen ladan oktwa pèmi ak revizyon anviwòmantal, ansanm ak yon opòtinite pou yo rankontre ak ajans eta apwopriye yo pou asire yo reyalize pwojè REDI yo pi vit posib. Gouvènè a te anonse tou ke pral gen jiska 8 milyon dola ki disponib pou mèt kay kalifye ki gen dezyèm kay yo nan kad 20 milyon dola pakè asistans global pou mèt kay la pou ede tout manm kominote ki bò rivaj lak la yo rekipere yo apre dega ki gen rapò ak inondasyon yo.

"Nouyòkè yo ki rete epi k ap travay sou rivaj Lak Ontario ak Rivyè St. Lawrence sibi anpil dega poutèt inondasyon ki bat rekò epi eta a ap kontinye mobilize pou ede", **Gouvènè Cuomo te deklare.** "Se avèk plezi m ap anonse 38 pwojè REDI sa yo pou konte St. Lawrence ak Jefferson, ki pral ede kominote sa yo rebati epi refè apre pèt

devastatè epi an menm tan garanti enfrastrikti ak abita zòn nan pi byen pare epi pi rezistan anfas nivo dlo wo nan lavni."

"Kominote k ap viv bò rivaj yo te fè fas a anpil gwo defi pandan ane ki sot pase yo. Se poutèt sa nou pran mezi agresiv pou n ede gouvènman lokal yo, biznis yo, ak pwopriyetè kay yo avèk sipò eta a pou amelyore rezistans ak reponn a efè inondasyon yo", **Gouvènè Adjwen Kathy Hochul te deklare**. "Finansman sa ki sible pou pwojè nan konte St. Lawrence ak konte Jefferson a pral reponn a bezwen enfrastrikti yo pou asire dirabilite alontèm. Efò enpòtan sa yo pral ede konbat devastasyon ki soti nan fenomèn move tan ekstrèm, ranfòse ekonomi nou an, ak amelyore kalite lavi rezidan yo."

Depi rekò nivo dlo elve ki te fèt anvan sa a an 2017, Eta New York te angaje plis pase 100 milyon dola pou rekonstwi kominote sou rivaj Lak Ontario a ki te devaste nan inondasyon, sèlman pou yo viv menm eksperyans nivo dlo elve rekò ak inondasyon nan menm kominote sa yo ane sa a.

Yo te etabli senk rejyon REDI yo, ki gen uit konte (Niagara ak Orleans, Monroe, Wayne, Cayuga ak Oswego, ak Jefferson ak St. Lawrence) pou idantifye priyорite lokal yo, enfrastrikti a risk ak lòt resous yo, ak enkyetid sekirite biblik yo genyen. Komisyon REDI te atriбиye 20 milyon dola pou bay pwopriyetè kay yo asistans, 30 milyon dola pou amelyore rezilyans biznis yo, ak 15 milyon dola pou yon efò dragaj rejyonal ki pral nan avantaj chak nan uit konte yo. Balans ki rete a, ki se 235 milyon dola, yo te afekte li nan pwojè lokal ak rejyonal ki fè avanse epi ki ilistre misyon REDI a.

Pou idantifye pwojè yo, sou yon peryòd twa mwa, REDI te organize 25 reyinyon kominotè ak pati prenant ak atelye ak dè santèn rezidan lokal, li te konvoke plis pase 15 reyinyon komite planifikasyon, epi mande ajans ak ekspè jeni nan Eta New York pou konsakre dè milye èdtan pou evalye plis pase 500 pwojè ke kominote yo te pwopoze. Pwojè yo genyen ladan yo yon seri resous ki a risk, ki gen ladan estabilizasyon rivaj, sante ak sekirite biblik, enfrastrikti dlo ak dlo ize enpòtan, waf ak pò, ak pèt/valè tè, pamì lòt priyòrite ankò, kote yo te mete aksan sou karakteristik natirèl oswa ki baze sou lanati ak enfrastrikti ekolojik.

Pou chak pwojè, yo pral bezwen fè revizyon pèmi ant plizyè jiridiksyon yo, ak revizyon anviwònmantal ki asosye yo, anvan yo fè detèminasyon final pou pwojè kontinye. Pou bati rezilyans, redwi risk domaj pou pwopriyete yo alavni, epi minimize efè sou abita yo, Depatman Konsèvasyon Anviwònmantal la (Department of Environmental Conservation, DEC) te konpile règleman jeneral pou konsepsyon zòn kotyè ak pwojè developman yo. Gid sa yo gen ladan done teknik, konsèy regilasyon, pi bon pratik, ak resous ki disponib pou developman olon rivaj dinamik nan Gran Lak yo ak nan Rivyè St. Lawrence. Enfòmasyon teknik konplè sa ak otorizasyon ki pèmet pou ede akselere pwosesis pou gen otorizasyon an disponib sou [pajwèb gid REDI a](#).

Pou kapab reponn pi byen ak defi nivo dlo elve poze, anplis de pwojè espesifik konte yo ke yo te anonse jodi a, Gouvènè Cuomo te anonse yon efò pou Dragaj Rejyonal ki koute 15 milyon dola pou uit konte yo pou mentni chanèl navigasyon san danje nan pò ak bè Lak Ontario ak Rivyè St. Lawrence nan fason dirab. Chanèl sa yo enpòtan anpil

pou mentni vitalite aktívite bato Iwazi ak komèsyal yo, ki jenere anpil milyon dola chak ane nan aktívite ekonomik ak sipòte plis pase 1,000 djòb nan reyon an.

Efò a pral reponn ak antretyen dragaj obligatwa nan omwen 17 chanèl pò yo itilize prensipalman pou bato Iwazi. Yo ka itilize sediman dragaj apwopriye ki nan avantaj reyitilizasyon yo nan pwojè restorasyon ekosistèm yo oswa pwojè jesyon ewozyon yo, epi potansyèlman nan avantaj abita, kalite dlo, ak alimantasyon plaj.

Lis konplè ki gen 38 pwojè nan konte St. Lawrence ak konte Jefferson yo disponib [la](#). Pwojè REDI ke yo mete aksan sou yo ak pri ke yo estime y ap koute yo gen ladan:

### Konte St. Lawrence

- Pwojè 11 milyon dola a pou okipe pwoblèm enfiltrasyon ak debi antran yo nan Izin Rekiperasyon ak Tretman Dlo Ize (Wastewater Collection and Treatment Facilities) Vilaj Waddington lan gen ladan amelyorasyon pou sistèm rekiperasyon an, ki gen ladan ranplase oswa re-aliyen kannalizasyon egou ki fèt an mozayik ajil ki la déjà yo epi konstwi nouvo kannalizasyon pou dlo lapli. Amelyorasyon yo pwopoze yo pou sistèm tretman an gen ladan yo yon nouvo ouvraj tèt ak ekipman ki asosye avèk li, nouvo rezèvwa labou, amelyorasyon nan zòn sechaj la, ekipman màyèl pou retire dlo nan labou an, modifikasyon nan basen sedimentasyon an, konvèsyon gaz klò ki la kounye a an klò likid pou dezenfekte, nouvo devèswa, renovasyon nan biling yo, demolisyón, enstalasyon tiyo nan lakou a, dèlko dijans, ak lòt travay chantye.
- 4,875,000 dola pou Pak Morissette la ak Pwojè Waf Vil la (City Dock Project) nan Vil Ogdensburg, sa gen ladan posibilité monte ak ajiste anplasman li, sa ki pral garanti aksè san rete pa dlo pou publik la nan motè ekonomik lokal enpòtan sa a.
- 2,100,000 pou Pwojè Pon Northumberland Street la (Northumberland Street Bridge Project) nan Minisipalite Morristown pral ouvè kannal la anba estrikti an, epi konsa pèmèt pi bon debi ak pasaj ansanm òganis vivan yo ki nan dlo a.
- Pwojè 1,295,000 dola Santye Fort De La Presentation an (Fort De La Presentation Trail Project) nan Vil Ogdensburg pral okipe ewozyon ak inondasyon nan kote sa a ki sou kote Rivyè St. Lawrence la. Enstalasyon mezi stabilizasyon rivaj la epi monte santye yo pral bay plis aksesibilite epi garanti kote sa a rete yon destinasyon lokal pou vizitè yo.
- Pwojè 430,000 dola Ranp Lansman Bato Bè Chippewa a (Chippewa Bay Boat Launch Project) nan Minisipalite Hammond nan pral pwoteje byen komèsyal lokal sa a gras a ranplasman waf elevasyon fiks yo avèk waf ak glisad flotan, monte ponp kabiran yo, rezèvwa yo, ak lòt enfrastrikti pou pwoteje byen yo kont nivo dlo wo, epi enstalasyon mezi stabilizasyon bò dlo a pou pwoteje enfrastrikti an.

### Konte Jefferson

- Pwojè 5,450,000 dola County Road 57 ak Preskil Point la (Point Peninsula Project) nan Minispalite Lyme lan gen ladan monte wout la epi enstale mezi stabilizasyon rivaj pou garanti aksè san rete pou rezidan yo ak entèvenan dijans yo.
- Pwojè 3,750,000 dola Riverwalk la nan Vilaj Clayton gen ladan monte bò rivyè a nan zòn ki pi ba nivo inondasyon an. Sa t ap ofri pwoteksyon kont inondasyon

pou yon zòn ki gen ladan 11 pwopriyete nan yon distrik istorik epi ki sèvi kòm sant komèsyal pou kominote sa a.

- Pwojè 2 milyon dola Waf James Siperyè ak Enferyè a (Upper and Lower James Dock Project) nan Vilaj Alexandria Bay pral amelyore rezistans kote sa a, yon motè ekonomik lokal esansyèl ak biznis bò dlo, gras a ranplasman waf elevasyon fiks yo avèk waf flotan, deplasman ponp kabiran yo, ak estrikti pèmanan yo pi wo, epi enstalasyon mezi estabilizasyon bò dlo a.
- Pwojè 1 milyon dola Pak East End lan (East End Park Project) nan Vilaj Cape Vincent pral okipe donmaj poutèt ewozyon nan dig ak waf ki la kounye a. Pami mezi prevansyon yo gen ranje nivo siperyè pòsyon wòch kalkè a nan dig la epi monte sistèm dig la, konstwi yon dal an wòch karyè dèyè dig la, ranplase twotwa ki sou kote dig la, ranplase tiyo soti a, epi ranplase tabliye waf la, pam i lòt amelyorasyon.
- Pwojè 160,000 dola Dig la (Seawall Project) bò izin tretman dlo a nan Vilaj Sackets Harbor a pral enstale plis mezi pwoteksyon pou rivaj la epi pwoteje priz dlo a nan izin sa a. Pwojè sa a pral ranfòse rezistans kotye izin tretman dlo a ak zòn ki antoure li a.

Klike [isit la](#) pou w jwenn ilistrasyon ki montre imaj pwojè yo.

**Komisè DEC la ak Prezidan REDI a, Basil Seggos te deklare**, "DEC ap travay an kolaborasyon sere avèk komninote yo sou rivaj Lak Ontario a ak Rivyè St. Lawrence la depi nan kòmansman, ap ede pwoteje kay, biznis, ak byen minisipal esansyèl kont donmaj dlo wo ki bat rekò yo koze. Anons Gouvènè Cuomo fè jodi a sou Pwojè REDI sa yo nan konte St. Lawrence ak Jefferson yo se yon temwayaj angajman New York nan kominote sa yo. N ap kontinye travay jiskaske travay la fini epi Nouyòkè sa yo kapab kanpe poukонт yo ankò—pou anpil lane".

**Komisè Pwovizwa, Prezidan ak Direktè Egzekitif Jeneral yo nonmen pou Empire State Development (ESD) ak Ko-Prezidan Komisyón REDI, Eric Gertler te deklare**, "Rekonstwi pi rezistan pi enpòtan plis pase jamè avan lè nou konsidere novo reyalite anviwònmantal k ap ogmante nivo dlo yo olon Lak Ontario ak Rivyè St. Lawrence lan. Komisyón REDI a ap travay di pou asire ke kominote yo pa sèlman reprann yo pi vit apre evènman move tan destriktif yo, men pou yo pi djanm ak pi byen prepare alavni, fas a efè malere chanjman klimatik yo".

Yo te rezève trant milyon dola nan fon REDI yo pou Pwogram Rezilyans Biznis Lak Ontario a (Lake Ontario Business Resiliency), ke Empire State Development pral administre. Nan kad pwogram lan, ESD pral bay sibvansyon jiska 200,000 dola pou aplikan ki kalifye yo ki gen eksperyans jere domaj fizik dirèk ki gen rapò ak inondasyon akòz nivo dlo elve ki soti nan Lak Ontario ak nan Rivyè St Lawrence an 2019. Yo ap atann ke tip aplikan ki elijib yo gen ladan ti biznis yo, òganizasyon san bi likratif yo, fèm yo, asosyasyon pwopriyetè kay yo ak mèt pwopriyete alwe yo. Nan kad Pwogram lan, sibvansyon yo ap disponib pou ranbouse jiska 50 poustan nan pwojè amelyorasyon kapital yon aplikan ki kalifye ki fèt pou ranfòse biznis yo kont konsekans inondasyon a lavni epi fè biznis yo pi rezilyan fas a lanati. Chak pwojè dwe resevwa sipò korespondan tou nan men gouvènman lokal yo k ap rive omwen 5 poustan fon eta otal y ap akòde nan kad pwogram lan. Sa yo ap atann nan men kontribisyon lokal yo dwe enkli, men pa limite a, sèten egzonerasyon taks ke Otorite Developman Endistriyèl yo ofwi yo, dispans

gouvènman lokal yo nan depans òdinèman akòz pèmi ak frè yo, ak depans dirèk pa gouvènman lokal yo sou enfrastrikti ki gen rapò ak pwojè. Pou w resevwa notifikasyon lè Pwogram Rezystans Biznis Lak Ontario a ap aksepte aplikasyon yo, tanpri ranpli fòmilè admisyon yo te biliye resaman [la](#).

Anplis de pwojè yo anonse jodi a, Biwo Depatman Renouvelman ak Kominote (Department of Homes and Community Renewal, HCR) Eta a ap administre yon Pwogram Asistans Pwopriyetè Kay endividiyèl 2019 ki pral bay rezidan nan rejyon ki gen uit konte ki afekte jiska 50,000 dola nan finansman eta a pou ede konpanse domaj yo a rezidans prensipal yo. Peryòd aplikasyon pwopriyetè kay la ouvri jiska 31 Oktòb 2019, epi ou ka jwenn plis enfòmasyon sou aplikasyon an [isit la](#).

**RuthAnne Visnauskas, ki se Komisè HCR, te deklare**, "Kòm kominote bò rivaj Lak Ontario a kontinye reprann anba efè inondasyon devastatè yo, li enpòtan anpil pou nou fè kalite envestisman ki pral ranfòse enfrastrikti alontèm. Nan amelyore rezilyans atravè rejyon ki pwone inondasyon, nou ka asire efò rekiperasyon pou pwopriyetè kay yo ak biznis yo pral dirab".

Anpil nan pwojè yo REDI enkòpore enfrastrikti vèt oswa natirèl oswa karakteristik ki baze sou lanati epi yo pral fèt pou yo pa gen okenn oswa minimòm enpak anviwònmantal. Enfrastrikti vèt se yon apwòch efikas, anviwònmantal, benefik ak rezilyan pou jere enpak tan plivye yo. Pandan ke enfrastrikti dlo lapli konvansyonèl la, tankou kanal drenaj ak sistèm tretman dlo, yo fèt pou elwanye dlo lapli ki soti nan anviwònman an ki batí, enfrastrikti vèt diminye ak trete dlo lapli nan sous li pandan yo ap bay anviwònman benefis ekonomik san yo pa detwi abita oswa deranje karakteristik natirèl yo. An plis, [Gouvènè Cuomo te fèk anonse ke](#) ke nan diskou Eta ane pwochèn , li pral prezante yon inisyativ dinamik ki vize pou restore abita chèf nasyon an, "Reviv Manman Lanati". Menm jan ak anpil pwojè REDI ki anonse jodi a, Reviv Manman Lanati pral sipòte efò kritik restorasyon anviwònmantal, pou ede fè kominote yo pi rezilyan devan chanjman klima ak move tan, pandan yo ap tou restore ak ogmante pwason ak abita bêt sovaj.

**Konseye Jiridik Enterimè Environmental Facilities Corporation an Maureen Coleman te deklare**, "Gouvènè Cuomo fè New York vin lidè nan envestisman kritik enfrastrikti dlo. Enfrastrikti vèt bay anpil benefis nan kominote yo anplis de soulaje kont inondasyon: filtraj polyan, recharge akwifè, rivyè ak sous dlo, restore abita, refwadisman anviwònman ozalantou a, diminye polisyon nan lè a, ak diminye itilizasyon enèji. Anons Gouvènè Cuomo jodi a se yon etap enpòtan pou rann kominote atravè Empire State rezilyan devan chanjman klima, epi pou ede yo prepare pou yon avni dirab".

**Komisè Pak Eta yo, Erik Kulleseid te deklare**. "Pwojè ke yo idantifye yo se rezulta yon dyalòg konstriktif ak pozitif ak kominote a. Mwen bat bravo pou Gouvènè Cuomo paske li chèche pèspektiv lidè lokal yo epi swiv etap ki reyèlman pral nan benefis rejyon sa yo".

**Sekretè Eta a Rossana Rosado te deklare**, "Eta New York te toujou alatèt efò pou rantabilize pwen fò lidè lokal ak eta a yo pou pwoteje ak amelyore gran resous li yo. Pwojè yo te anonse jodi a yo se yon demonstrasyon byen klè ki montre angajman Gouvènè Cuomo pran pou l prezèv sante ak sekirite rezidan New York yo pa mwayen

pwoteksyon enfrastrikti enpòtan yo ki olon Lak Ontario a. Nan Depatman Deta (Department of State) nou kontinye travay an kolaborasyon etwat avèk anpil nan kominote sa yo pou revitalize bò rivaj yo epi ranfòse rezilyans yo pandan yo ap ogmante itilizasyon enfrastrikti vèt yo tou. Nou konnen kòman stabilizasyon rivaj ak investi nan byen ki nan zòn kotyè yo enpòtan tankou lansman bato ak waf nan ekonomi lokal la ak nan mòd de vi ki konekte ak dlo a. Apèl a laksyon Gouvènè a lanse an ete sa a te reponn ak ide pwojè fò, e li pral byento rezulta nan plis kominote rezilyan sou rivaj la".

**Komisè Biwo Sèvis Jeneral la (Office of General Services), RoAnn Destito te deklare**, "Gouvènè Cuomo se yon defansè solid pou kominote Lak Ontario ki afekte pa inondasyon yo. Komisyon REDI a ki gen plizyè ajans li te tabli a te reyini resous ekspè gouvènman yo ansam pou yo chache jwenn solisyon epi bay bon jan finansman konsiderab pou pwojè k ap ranfòse rezistans ak ede pwoteje bò rivaj Eta New York la paske nou prevwa ap gen plis dega k ap kontinye fèt akoz move tan ekstrèm ak efè chanjman klimatik yo".

**Komisè Depatman Transpò (Department of Transportation) Eta New York la, Marie Therese Dominguez te deklare**, "Lè kominote Lak Ontario ak Rivyè St. Lawrence t'ap soufri, Gouvènè Cuomo te pran aksyon desizif pou reponn a inondasyon epi ofri finansman pou ede fòtifye enfrastrikti enpòtan yo. Mwen te fè yon toune nan anpil sit depi inondasyon an te kòmanse ak wè enpak li genyen sou rezidan yo, biznis yo ak enfrastrikti de fason dirèk. Depatman Transpò Eta kanpe ak kominote ki afekte yo, nou pare pou ede eta nou an ak patnè lokal yo pandan ke yo ap vanse nan direksyon yon avni ki pi djanm, pi dirab olon rivaj la".

**Komisè Depatman Sekirite Enteryè ak Sèvis Ijans Eta New York la (New York State Homeland Security and Emergency Services), Patrick A. Murphy te deklare**, "Malgre efò enkwayab patnè leta yo ak lokal yo pou prepare yo pou, ak reziste, dlo inondasyon k'ap monte yo, sèlman fason nou ka vrèman pwoteje sante alontèm an kominote Lak Ontario a se nan adopte yon vizyon olistik sou lak la ak jwenn fason pou ranfòse rezistans rivaj la. Gras a lidèchip Gouvènè Cuomo ak travay di manm Komisyon REDI an, nou pa sèlman gen yon plan anplas pou kòmanse travay sa a, men nou jwenn finansman ki nesesè pou fè pwojè sa yo vin reyalite".

**Gil C. Quinones, ki se Prezidan ak Direktè Egzekitif Jeneral Otorite Elektrisite New York la (New York Power Authority, NYPA) te di**, "Gwo Lak Ontario ak Rivyè St. Lawrence yo enpòtan anpil pou ekonomi eta nou an. Nou, nan NYPA, nou kontan wè envestisman Gouvènè a nan pwojè REDI nan konte Jefferson ak St. Lawrence yo ki pral ede kominote rivaj nou yo vin pi rezistan nan epòk kokennchenn chanjman klima sa a".

**Komisè Depatman Travay la (Department of Labor), Roberta Reardon, te di**, "Travay Komisyon REDI a se yon gwo egzanp an antye ki pi gran pase sòm tout pati li yo. Eta a, konte yo, ak minisipalite yo te bezwen travay ansam pou ede kominote bò rivaj yo epi yo te fè sa an gran jan. Se te yon lonè pou m te patisipe nan pwosesis sa a ki reprezante gouvènman nan pi bon fòm li".

**Vis Prezidan DASNY an, Paul G. Koopman te di**, "DASNY fyè pou sipòte inisyativ REDI Gouvènè Cuomo a. Nou kanpe toupare pou ede reponn ak bezwen kominote ki afekte sa yo, pou ede yo vin pi rezilyan fas a yon anviwònman ki toujou ap chanje".

**Senatè Patty Ritchie te deklare**, "Mwen wè ak je pa mwen, konsekans devastatè dezyèm gwo inondasyon sa a nan sèlman twa lane. Kominote yo, biznis yo ak mèt kay yo pèdi anpil. Mwen vle remèsyé Gouvènè Cuomo dèské li rekonèt dega inondasyon sa yo pote pou Nouyòkè yo epi dèské l ap garanti vil ak vilaj nou yo non sèlman pi byen pwoteje kont lòt inondasyon, men gras a amelyorasyon sa yo kapab devlope ekonomi yo ak touris yo ak opòtinite rekreyatif yo, epi an menm tan tou ofri biznis nou yo ak mèt kay nou yo yon èd ki nesesè".

**Senatè Joseph A. Griffó te deklare**, "Li enpòtan pou nou pran tout mezi nou kapab pou pwoteje kominote yo kont inondasyon ak danje ki gen pou wè ak sa nan anviwònman an. Pwojè sa yo, ki jwenn finansman nan men Inisyativ pou Rezistans ak Devlopman Ekonomik Lak Ontario a, pral ede amelyore enfrastrikti, amelyore epi devlope kominote yo epi ranfòse devlopman ekonomik nan North Country".

**Manm Asanble Mark Walczyk te deklare**, "Mwen ta renmen remèsyé Gouvènè a pou lidèchip li ak atansyon li bay inondasyon ki te fèt nan kominote yo ki sou rivaj la nan konte St. Lawrence ak Jefferson yo. Pwojè yo ki te resevwa finansman nan men Komisyon REDI an se yon trè bon kòmansman pou fòtifye enfrastrikti reyon yo. Mwen pa ka tann pou mwen travay ansanm avèk Gouvènè a ak lòt lejislatè pou ranfòse tout rivaj Lak Ontario ak Rivyè St. Lawrence nan yon efò pou pi byen pwoteje kominote nou an kont lòt inondasyon".

**Manm Asanble Ken Blankenbush te di**, "Ede mèt kay nou yo ak operatè ti biznis nou yo rebati apre inondasyon se yon bagay ki esansyèl. Li enpòtan menm jan an tou pou nou pran mezi prevansyon k ap fòtifye enfrastrikti nou an kont lòt inondasyon. Finansman sa a fè toude. Se yon envestisman nan sekirite piblik, se yon envestisman nan ekonomi nou an, epi mwen kontan nou arive fè li".

**Prezidan Konte Lejislatif Jefferson, Scott Gray, te deklare**, "REDI se te yon apwòch itil anpil pou ede idantifye epi mete aksan sou bezwen yo nan kominote nou an epi soutyen pou pwojè yo anonse yo jodi a ap enpòtan nan ede pwoteje rivaj, pwopriyete, ak ekonomi lokal yo. Nou bat bravo pou Gouvènè Cuomo dèské li fè envestisman sa yo nan Konte Jefferson, epi mwen pa ka tann pou nou kontinye travay ansanm pou fè reyon nou an vin pi rezistan ak plen siksè alontèm".

**Prezidan Lejislati Konte St. Lawrence Ian, Joe Lightfoot te deklare**, "Pandan kominote nou an ap kontinye refè anba devastasyon ak donmaj yon lòt inondasyon ki te frape reyon nou an te pote, prezans konstan ak soutyen solid Gouvènè Cuomo montre viktim inondasyon an gouvnèman yo a pran ka yo epi yo pa poukout yo. Komisyon REDI Gouvènè a se yon apwòch entelijan ak estratejik k ap ede idantifye epi aplike solisyon dirab ki pral ranfòse rezistans nou nan lavni".

**Majistra Vilaj Waddington nan Janet Otto-Cassada te deklare**, "Sou Inisyativ REDI la, angajman ak soutyen Gouvènè Cuomo pou kominote yo bò Lak Ontario ap garanti pwojè nesesè sa yo vanse pou ede rebati kominote yo nan konte St. Lawrence ki te

viktim nivo dlo wo. Pwojè sa yo pral non sèlman revitalize zòn nan ak ekonomi lokal nou an, men yo pral garanti tou kominote yo ki sou rivaj la rebati pi rezistan pou pi byen fè fas a lòt katastwòf natirèl".

**Majistra Vilaj Clayton nan Norma Zimmer te deklare**, "Kominote yo sou rivaj Lak Ontario ak Rivyè St. Lawrence fè fas a difikilte grav nan ane ki sot pase yo poutèt nivo dlo k ap monte. REDI, ke Gouvènè Cuomo lanse, ap ede rezidan yo ak biznis yo rekanpe. Sa ki pi enpòtan, pwojè inovatè sa yo se solisyon alontèm ki konsantre anpil sou rezistans ak dirabilite pou kominote fèb sa yo kapab pare pou evènman meteyowolojik nan lavni epi pa rete poukонт yo ap ranmase mòso apre devatasyon inondasyon an koze".

Sou direksyon Gouvènè Cuomo, se Depatman Konsèvasyon Anviwonmantal Eta New York ak Empire State Development k ap dirije Komisyón REDI a. Lòt ajans ak otorite ki ap patisipe yo gen ladan Otorite Dòtwa Eta New York, Biwo Sèvis Jeneral Eta a (State Office of General Services), Depatman Transpòtasyon, Biwo Pak, Lwazi ak Konsèvasyon Istorik (Office of Parks, Recreation and Historic Preservation), Biwo Renouvelman ak Kominote Eta New York, Divizyon Sekirite Teritwa ak Sèvis Ijans (Division of Homeland Security and Emergency Services), Otorite Enèji New York, Depatman Travay Eta a, ak Depatman Deta Eta New York.

###

Lòt nouvèl disponib sou sitwèb [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418

[ANILE ENSKRIPSYON OU](#)